



Vogošća, ul. Jošanička, br. 80; tel: 00387 33 586 413, fax: 586 418

Broj: 11-11-1516/21
Vogošća, 08.11.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 08.11.2021. godine donio je

ODLUKU
O IZBORU NAJPOVOLJNIJEG PONUĐAČA ZA NABAVKU I UGRADNJU VIDEO NADZORA
NA PODRUČJU OPĆINE VOGOŠĆA

Član 1.

Ponuda ponuđača "Mibo komunikacije" d.o.o. Sarajevo, ulica Tvornička broj 3. Sarajevo, odabrana je za nabavku i ugradnju video nadzora na području općine Vogošća, kao jedina pristigla ponuda, sa ponuđenom ukupnom cijenom nabavke u iznosu od 9.400,00 KM bez uračunatog PDV-a, odnosno 10.998,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 13.10.2021. godine donio Odluku o pokretanju postupka Konkurentskog zahtjeva za dostavu ponuda za nabavku i ugradnju video nadzora na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 13.10.2021. godine pod brojem: 1353-7-1-194-3-149/21.

Tendersku dokumentaciju sa Portala javnih nabavki BiH su preuzela 23 (dvadeset i tri) ponuđača.

Krajnji rok za dostavu ponuda bio je 08.11.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 08.11.2021. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača "Mibo komunikacije" d.o.o. Sarajevo, broj int. knjige 497/21, sa ponuđenom ukupnom cijenom nabavke u iznosu od 9.400,00 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 11-11-1516/21 iz oktobra 2021. godine i Izmjeni TD broj: 11-11-1516/21 iz oktobra 2021. godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Mibo komunikacije" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Mibo komunikacije" d.o.o. Sarajevo, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Mibo komunikacije" d.o.o. Sarajevo, za nabavku i ugradnju video nadzora na području općine Vogošća, kao jedine pristigle ponude, sa ponuđenom ukupnom cijenom nabavke u iznosu od 9.400,00 KM bez uračunatog PDV-a, odnosno 10.998,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Dostavljeno:

1. "Mibo komunikacije" d.o.o. Sarajevo
2. Nadležnoj Službi
3. U dosije
4. a/a

033/627-531

